


大毘婆沙論

才五十一

三百七十七
第一

50463



阿毗達磨大毗婆沙論卷第五十一

節

五百大阿羅漢等造

三藏法師

玄奘奉

詔譯

結蘊第二中不善納息第一之六

問何故名善不善無記答若法巧便所持能
招愛果性安隱故名善巧便所持者顯道諦
能招愛果者顯苦集諦少分即有漏善性安
隱者顯滅諦若法非巧便所持能招不愛果
性不安隱故名不善此摠顯苦集諦少分即
諸惡法若法與彼二種相違故名無記復次
若法能招可愛果樂受果故名善若法能招
不愛果苦受果故名不善若法與彼二種相
違故名無記復次若法能引可愛有牙及解

脫牙故名善若法能引非愛有牙故名不善
若法與彼二種相違故名無記復次若法能
今生善趣故名善若法能今生惡趣故名不
善若法與彼二種相違故名無記復次若法
墮還滅品性輕昇故名善若法墮流轉品性
沉重故名不善若法與彼二種相違故名無
記霧尊者言由四事故名善一自性故二相
應故三等起故四勝義故自性故者謂自性
善有說是慚愧有說是三善根相應故者謂
相應善即彼相應心心所法等起故者謂等
起善即彼所起身語二業不相應行勝義故
者謂勝義善即是涅槃安隱故名善分別論

者亦作是說自性善謂智相應善謂識等起
善謂身語業勝義善謂涅槃由四事故名不
善一自性故二相應故三等起故四勝義故
自性故者謂自性不善有說是無慚無愧有
說是三不善根相應故者謂相應不善即彼
相應心心所法等起故者謂等起不善即彼
所起身語二業不相應行勝義故者謂勝義
不善即是生死不安隱故名不善分別論者
亦作是說自性不善謂癡相應不善謂識等
起不善謂身語業勝義不善謂生死脇尊者
言若法是如理作意自性與如理作意相應
從如理作意等起是如理作意等流離繫果

故名善若法是非理作意自性與非理作意
相應從非理作意等起是非理作意等流果
故名不善若法與彼二種相違故名無記復
次若法是慚愧自性與慚愧相應從慚愧等
起是慚愧等流離繫果故名善若法は無慚
無愧自性與無慚無愧相應從無慚無愧等
起は無慚無愧等流果故名不善若法與彼
二種相違故名無記復次若法是三善根自
性與三善根相應從三善根等起是三善根
等流離繫果故名善若法是三不善根自性
與三不善根相應從三不善根等起是三不
善根等流果故名不善若法與彼二種相違

故名無記復次若法是信等五根自性與信
等五根相應從信等五根等起是信等五根
等流離繫果故名善若法是五蓋自性與五
蓋相應從五蓋等起是五蓋等流果故名不
善若法與彼二種相違故名無記集異門說
何故名善答由此能引可愛可喜可樂悅意
如意果故名善此顯等流果復次由此能招
可愛可喜可樂悅意如意異熟故名善此顯
異熟果何故名不善答由此能引不可愛不
可喜不可樂不悅意不如意果故名不善此
顯等流果復次由此能招不可愛不可喜不
可樂不悅意不如意異熟故名不善此顯異

熟果若法與彼二種相違故名無記問世尊
定記苦真是苦集真是集滅真是滅道真是
道一切法者謂十二處如是諸法世尊顯說
施設開示如何可立爲無記耶荅非爲不說
故名無記然諸善法佛記爲善諸不善法記
爲不善若法不可記善不善說爲無記復次
佛記善法有可愛果記不善法有非愛果若
法無彼二果可記說爲無記復次由二事故
善法可記一由自性二由異熟不善亦亦無
記雖有自性可記而無異熟故名無記或有
不說故名無記如諸經中應捨置記四種記
論雜蘊已說

三結乃至九十八隨眠幾有異熟幾無異熟
問何故作此論答爲止他宗顯己義故謂或
有執離思無異熟因離受無異熟果如譬喻
者爲止彼意顯異熟因及異熟果俱通五蘊
或復有執諸異熟因果若熟已因體便無如
飲光部彼作是說諸異熟因果未熟位其體
猶有果若熟已其體便無如外種子芽未生
位其體猶有芽若生已其體便無爲遮彼意
顯異熟因果已熟位其體猶有或復有執善
不善業無異熟果如諸外道爲破彼義顯善
惡業有異熟果爲止此等種種異執顯己所
宗故作斯論復次勿爲止他顯示己義但爲

開發諸法實性今生正解故作斯論答諸不
善有異熟諸無記無異熟此廣分別應准前
門問有異熟者義何謂耶為與自異熟法俱
名有異熟為與他異熟法俱名有異熟設亦
何失若與自異熟法俱名有異熟則因果應
並伽陀所說復云何通如說

作惡不即受

非如乳成酪

猶灰覆火上

愚蹈久方燒

有薩闍草磨置乳中即便成酪業果不亦如
灰覆火愚夫輕蹈初雖不覺後便被燒作惡
亦亦因時雖樂至果熟時有惡趣苦若與他
異熟法俱名有異熟則應聖道亦有異熟與

他異熟俱時起故答自異熟俱名有異熟問
若尔因果應並伽陀所說復云何通答俱有
二種一者有俱二者並俱有俱者如有因有
果有所緣有異熟有因有果者如因謝已百
俱胝劫果乃現前相去雖遠而後名有因前
名有果有所緣者如人住此觀日月輪發生
眼識此彼相去雖四十千踰繕那量而此眼
識名有所緣有異熟者如造業已百俱胝劫
異熟方起相去雖遠而前業因名有異熟並
俱者如有尋有伺有喜有警覺有尋者謂尋
相應法有伺者謂伺相應法有喜者謂喜根
相應法有警覺者謂作意相應法應知此中

有異孰者依有俱說不依並俱復次俱有二
種一者有俱二者合俱有俱者如有因有果
有所緣有異孰合俱者如有尋有伺有喜有
警覺應知此中有異孰者依有俱說不依合
俱復次俱有三種一者近俱二者遠俱三者
近遠俱近俱者如有尋有伺有喜有警覺遠
俱者如有因有果有所緣有異孰近遠俱者
如有漏有隨眠有緣有事有漏者謂漏相應
法及漏所緣法有隨眠亦亦有緣者謂與彼
緣近遠諸法有事亦亦事謂因事或所繫事
應知此中有異孰者依遠俱說不依餘二問
何故名異孰答異類而孰故名異孰孰有二

種一同類二異類同類熟者謂等流果即善
生善不善生不善無記生無記異類熟者謂
異熟果即善不善法招無記果餘問答義如
雜蘊說

三結乃至九十八隨眠幾見所斷幾修所斷
問何故作此論答為止他宗顯己義故謂譬
喻者作如是說異生不能斷諸煩惱大德說
曰異生無有斷隨眠義但能伏纏若作是說
於理無損問彼何故作此執答依契經故謂
契經說若以聖慧見法斷者是名真斷非諸
異生已有聖慧故未能斷問若尔經說復云
何通如說苾芻彼猛喜子已斷欲染已斷色

染已斷空無邊處識無邊處無所有處染生
非想非非想處又說外仙已離欲染彼作是
答所引契經不斷說斷不離說離如餘契經
不斷說斷不離說離何等契經不斷說斷如說
愚執我我所 死時皆永斷 智者既知此
不執我我所

何等契經不離說離如說有村邑中童男童
女戲弄灰土以造舍宅於此舍宅未離染時
修營擁衛若時離染毀壞捨去如此二經不
斷說斷不離說離所引契經義亦應亦然諸
異生於諸煩惱實未永斷但能暫伏謂離染
時以世俗道攀初靜慮離欲界染漸次乃至

攀非想非非想處離無所有處染非想非非
想處無上可攀故不能離猶如蜈蚣緣草木
時攀上捨下若至極處無上可攀即便退下
如人上樹應知亦然如野干等踐暴麻蘆但
損苗莖不除根栽異生離染應知亦然唯能
暫火不能永斷爲庶彼意顯諸異生以世俗
道亦能斷結或復有執必無聖者以世俗道
斷煩惱義彼作是說聖者何緣捨無漏道而
用世俗爲遮彼意顯有聖者以世俗道斷煩
惱義或復有執一切煩惱皆悉頓斷無漸斷
義彼作是說金剛喻定現在前時煩惱頓斷
即由彼定斷一切惑是故說名金剛喻定猶

如金剛能破鐵石牙骨貝玉末尼等故彼雖
許有四沙門果然斷煩惱要金剛定問前之
三果未能斷惑何用立為彼作是答前之三
果伏諸煩惱引金剛定今現在前方能永斷
故非無用譬如農夫左手握草右執利鎌一
時刈斷為遮彼意顯諸煩惱有二對治謂見
及修二道差別一一現前皆能永斷或復有
執於四聖諦得現觀時頓而非漸為斷彼執
顯於四諦得現觀時漸而非頓見所斷惑如
修所斷不應一時斷一切故若於四諦得現
觀時頓非漸者便違聖教如契經說給孤獨
長者來詣佛所白佛言世尊於四聖諦得現

觀時為頓為漸世尊告曰如四椀梯漸登非
頓或復有執一切煩惱無有見修所斷差別
為遮彼意顯諸煩惱定有見修所斷差別為
止此等種種異執顯己所宗故作斯論復次
勿為止他顯示己義但為開發諸法實性令
生正解故作斯論答三結中有身見結見為
前行有二句或見所斷或見修所斷問前行
是何義答先立義先答義是前行義先立義
是前行義者先立見所斷句後立不定句先
答義是前行義者先以見所斷句答後以不
定句答云何見所斷若有身見非想非非想
處繫隨信隨法行現觀邊苦忍斷是見所斷

謂有身見從欲界乃至非想非非想處可得
世俗道起能斷欲界乃至無所有處有身見
於非想非非想處有身見此世俗道無能斷
力便住不進後若見道現在前時方能斷彼
此中有身見者定彼自性非想非非想處繫
者定彼地隨信隨法行者定彼能斷補特伽
羅現觀邊苦忍者定彼對治道斷者定彼道
所作若有身見有不雜對治決定對治不共
對治聖者斷非異生聖道斷非世俗見道斷
非修道忍斷非智者是此所說餘若異生斷
修所斷世尊弟子斷見所斷何者是餘謂從
欲界乃至無所有處有身見彼若異生斷以

修道斷聖者斷以見道斷異生斷以世俗道
斷聖者斷以無漏道斷異生斷以智斷聖者
斷以忍斷異生斷以九品斷九品聖者斷以
一品斷九品異生斷數起斷聖者斷不起斷
異生斷不觀諦斷聖者斷觀諦斷如有身見
結五順下分結中有身見結五見中有身見
邊執見亦亦自性同故俱通九地唯一部故
戒禁取疑結見為前行有二句或見所斷或
見修所斷前行義如上說云何見所斷若戒
禁取疑非想非非想處繫隨信隨法行現觀
邊諸忍斷是見所斷諸戒禁取疑從欲界乃
至非想非非想處可得世俗道起能斷欲界

乃至無所有處戒禁取疑於非想非非想處
戒禁取疑此世俗道無能斷力便任不進後
若見道現在前時方能斷彼此中戒禁取疑
者定彼自性非想非非想處斷者定彼地隨
信隨法行者定彼能斷補特伽羅現觀邊諸
忍者定彼對治道斷者定彼道所作若戒禁

取疑有不雜對治決定對治不共對治聖者
斷非異生聖道斷非世俗見道斷非修道忍
斷非智者是此所說餘若異生斷修所斷世
尊弟子斷見所斷何者是餘謂從欲界乃至
無所有處戒禁取疑彼若異生斷以修道斷
聖者斷以見道斷異生斷以世俗道斷聖者

斷以無漏道斷異生斷以智斷聖者斷以忍
斷異生斷以九品斷九品聖者斷以一品斷
九品異生斷數起斷聖者斷不起斷異生斷
不觀諦斷聖者斷觀諦斷如戒禁取疑結四
暴流軛中見暴流軛四取中見取戒禁取四
身繫中戒禁取此實執取身繫五順下分結
中戒禁取疑結五見中邪見見取戒禁取七
隨眠中見疑隨眠九結中見取疑結亦尔自
性同故俱通九地惟四部故貪不善根修爲
前行有二句或修所斷或見修所斷問前行
是何義答先立義先答義是前行義先立義
是前行義者先立修所斷句後立不定句先

答義是前行義者先以修所斷句答後以不定句答云何修所斷若貪不善根學見迹諸智斷是修所斷謂貪不善根五部可得即見苦乃至修所斷見道起能斷見苦乃至見道所斷貪不善根於修所斷貪不善根此見道無能斷方便住不進後勝修道現在前時方能斷彼此中貪不善根者定彼自性學見迹者定彼能斷補特伽羅諸智者定彼對治道斷者定彼道所作若貪不善根有不雜對治決定對治不共對治聖者斷非異生修道斷非見道智斷非忍者是此所說餘若異生斷修所斷世尊弟子斷見所斷何者是餘謂前

四部貪不善根即見苦乃至見道所斷彼若
異生斷以修道斷聖者斷以見道斷異生斷
以世俗道斷聖者斷以無漏道斷異生斷以
智斷聖者斷以忍斷異生斷以九品斷九品
聖者斷以一品斷九品異生斷數起斷聖者
斷不起斷異生斷不觀諦斷聖者斷觀諦斷
問此中所說若貪不善根學見迹諸智斷是
修所斷者顯聖者身中修所斷貪不善根餘
若異生斷修所斷世尊弟子斷見所斷者顯
異生聖者身中見所斷貪不善根餘有異生
身中修所斷貪不善根此中何故不說答應
說而不說者當知此義有餘復次彼已說在

前所說中所以者何以部差別建立煩惱不以在身諸煩惱部有五無六聖者見道現在前時斷見所斷後若修道現在前時斷修所斷異生修道現在前時摠斷五部以諸異生不能分別五部差別惟能摠斷說異生斷修所斷言即已說彼故不別說復次說學見迹諸智斷言即已顯彼故不別說異生身中修所斷者即學見迹智所斷故如貪不善根瞋癡不善根三漏中欲漏四瀑流軛中欲暴流軛四取中欲取四身繫中貪欲瞋恚身繫五蓋中除惡作疑餘蓋五結中瞋結五順下分結中貪欲瞋恚結七隨眠中欲貪瞋恚隨眠

九結中志結亦尔自性同故俱唯欲界通五
部故有漏無明漏見爲前行有三句或見所
斷或修所斷或見修所斷問前行是何義者
先立義先答義是前行義先立義是前行義
者先立見所斷句次立修所斷句後立不定
句先答義是前行義者先以見所斷句答次
以修所斷句答後以不定句答云何見所斷
若有漏無明漏非想非非想處繫隨信隨法
行現觀邊諸忍斷是見所斷謂有漏從初靜
慮乃至非想非非想處可得無明漏從欲界
乃至非想非非想處可得世俗道起能斷初
靜慮乃至無所有處有漏欲界乃至無所有

處無明漏於非想非非想處有漏無明漏此
世俗道無能斷力便任不進後若見道現在
前時方能斷彼見所斷者此中有漏無明漏
者定彼自性非想非非想處繫者定彼地隨
信隨法行者定彼能斷補特伽羅現觀邊諸
忍者定彼對治道斷者定彼道所作若有漏
無明漏有不雜對治決定對治不共對治聖
者斷非異生聖道斷非世俗見道斷非修道
忍斷非智者是此所說云何修所斷若有漏
無明漏學見迹諸智斷是修所斷謂彼有漏
無明漏有五部見道現在前時斷前四部於
修所斷有漏無明漏此見道無能斷力便任

不進後勝修道現在前時方能斷彼此中有
漏無明漏者定彼自性學見迹者定彼能斷
補特伽羅諸智者定彼能斷對治道斷者定
彼道所作若有漏無明漏有不雜對治決定
對治不共對治聖者斷非異生修道斷非見
道智斷非忍者是此所說餘若異生斷修所
斷出世尊弟子斷見所斷何者是餘謂從初靜
慮乃至無所有處有漏從欲界乃至無所有
處無明漏異生身中五部聖者身中四部彼
若異生斷以修道斷聖者斷以見道斷異生
斷以世俗道斷聖者斷以無漏道斷異生斷
以智斷聖者斷以忍斷異生斷以九品斷九

品聖者斷以一品斷九品異生斷數起斷聖者斷不起斷異主斷不觀諦斷聖者斷觀諦斷如有漏無明漏四瀑流軛中有無明瀑流軛四取中我語取五結中貪慢結六愛身中意觸所生愛身七隨眠中有貪慢無明隨眠九結中愛慢無明結亦亦自性同故俱通八九地及通五部故前行有三種一不共前行二畢竟前行三最初前行不共前行者如三結等畢竟前行者如三不善根等最初前行者如有漏無明漏等若諸煩惱通三界繫唯見所斷彼見爲前行有二句如三結等若諸煩惱唯欲界繫通於五部彼修爲前行有二

句如三不善根等若諸煩惱通三界繫亦通
五部彼見爲前行有三句如有漏無明漏等
是謂此處略毗婆沙

惡作蓋修所斷異生聖者俱以九品智斷彼
故如惡作蓋五結中嫉慳結五順上分結六
愛身中前五愛身九結中嫉慳結亦尔同是
九品智所斷故疑蓋若異生斷修所斷世
弟子斷見所斷此唯欲界前四部故九十八
隨眠中二十八見所斷謂有頂前四部十修
所斷謂三界修所斷部餘若異生斷修所斷
世尊弟子斷見所斷謂下八地前四部問若
二十八見所斷十修所斷餘不定者品類足

論何故說九十八隨眠中八十八見所斷
修所斷耶答此文是了義彼文是不了義此
文無別意趣彼文有別意趣此文無別因緣
彼文有別因緣此文依勝義諦說彼文依世
俗諦說復次彼論依漸次者具縛者非超越
者說此論依非漸次者不具縛者超越言說
復次彼論唯依聖者離染非異生聖道作用
非世俗說此論通依聖者異生離染聖道世
俗道作用說復次此論是決定說彼論依異
門說謂先離欲乃至無所有處染入正性離
生者彼見道中亦證下八地見所斷法無漏
離繫得故作是說八十八見所斷十修所斷

尊者妙音亦作是說此論所說依決定理品類足論說八十八見所斷者依證無漏解脫得說或依漸次得果者說

問何故名見所斷何故名修所斷耶見不離修修不離見如何建立二所斷名答雖見道中亦有如實修可得修道中亦有如實見可得而見者是慧修者是不放逸如實者是增廣義或猛利義見道中慧多不放逸少修道中不放逸多慧少故彼所斷斷名有差別復次如實者是平等義或相似義雖見道中有介所慧亦有介所不放逸修道中有介所不放逸亦有介所慧而見道中慧用增勝不放

逸用劣弱修道中不放逸用增勝慧用劣弱
故彼所斷名有差別尊者世友作如是說雖
觀四諦斷諸煩惱不可分別此見所斷此修
所斷而由見力斷弃吐者名見所斷如已得
道若習若修若多所作分齊品類漸令微薄
乃至究竟皆斷盡者名修所斷有作是說見
所斷者亦名修所斷見道中亦有如實修故
修所斷者亦名見所斷修道中亦有如實見
故於此義中若由見力斷弃吐者名見所斷
如已得道若習若修若多所作分齊品類漸
令微薄乃至究竟皆斷盡者名修所斷問此
說何義答此說見道是猛利道暫現在前一

時能斷九品煩惱修道是不猛利道數數修
習久時方斷九品煩惱如利鈍二刀同截一
物利者頓斷鈍者漸斷暫見斷者名見所斷
數修斷者名修所斷復次若以見增上道斷
者名見所斷若以修增上道斷者名修所斷
復次若以見慧二相道斷者名見所斷若以
見智慧三相道斷者名修所斷復次若以眼
明覺慧四相道斷者名見所斷若以眼明覺
智慧五相道斷者名修所斷復次若以諸忍
斷者名見所斷若以諸智斷者名修所斷復
次若九品以一品斷者名見所斷若九品以
九品斷者名修所斷復次若以未知當知根

斷者名見所斷若以已知根斷者名修所斷
復次若如折石而斷者名見所斷若如絕藕
然而斷者名修所斷復次若違勇決者名見
所斷若違加行者名修所斷復次未見諦而
觀諦斷者名見所斷若已見諦重觀諦斷者
名修所斷復次若以一因道而斷者名見所
斷若以二因道而斷者名修所斷復次如大
力士擐甲冑而斷者名見所斷如羸疾人御
驢車而斷者名修所斷復次若斷彼時唯修
自所觀諦諸行相者名見所斷若斷彼時亦
修他所觀諦諸行相者名修所斷復次若以
向道未成就果而斷者名見所斷若以向道

已成就果而斷者名修所斷復次止若以無分
齊品類道斷者名見所斷若以有八分齊品類
道斷者名修所斷復次若以隨信隨法行道
斷者名見所斷若以信勝解見至身入證道斷
者名修所斷復次若以初頓起道而斷者名
見所斷若以後數起道而斷名修所斷復次
若彼離繫四沙門果攝者名見所斷若彼離
繫或三或二或一沙門果攝者名修所斷復
次若所斷法緣無事者名見所斷若所斷法
緣有事者名修所斷復次若彼斷已永不退
者名見所斷若彼斷已或退或不退者名修
所斷復次若解脫已不復縛者名見所斷若

解脫已或復縛或不復縛者名修所斷復次
若離繫已不復繫者名見所斷若離繫已或
復繫或不復繫者名修所斷復次若斷彼時
忍爲無間道智爲解脫道者名見所斷若斷
彼時智爲無間道智爲解脫道者名修所斷
復次若斷彼時智爲加行道忍爲無間道智
爲解脫道者名見所斷若斷彼時智爲加行
無間解脫道者名修所斷復次若法先得非
擇滅後得擇滅者名見所斷若法或先得非
擇滅後得擇滅或先得擇滅後得非擇滅或
一時得二滅者名修所斷復次若斷彼時修
緣一諦道者名見所斷若斷彼時修緣四諦

道者名修所斷復次若斷彼時修四行相道者名見所斷若斷彼時修十六行相道者名修所斷復次若斷彼時修相似不相似道者名修所斷復次若斷彼時修二或一三摩地者名見所斷若斷彼時修三三摩地者名修所斷復次若斷彼時不起斷者名見所斷若斷彼時或起斷或不起斷者名修所斷

說一切有部發智大毗婆沙論卷第五十一節

脇脅

二同虛業反

蹈

音盜

踰繕

上羊朱反

下時扇

那此方

四十俱胘

下玠遲反此當千萬數也

伺

相寺反候也

警覺

音上

景 蜈 蟻

上音尺

下呼

郭反

桑反

屈

踐

音賤

音賤

申蟲也一名食桑蟲 踐音賤

握

於持也反

鐮

禾音廉

刈

刈

魚吠也

反割

枕

梯

上音梯道也

兮

暴瀑

二同蒲報

反

軛

音迹

跡

反枕

梯道也

分齊

二字並

鈍

徒困反

析

柝同

字

劣弱

若

分齊

去聲

鈍

反

析

柝同

廷疾

上烏荒反

羸弱也

分

擊反

藕

蓮音偶

掇

甲胃也

先

擊反

藕

蓮音偶

掇

甲胃也

上音患

帶衣甲曰

鎧也



